

董 錄 總 校 官 銜 郎 員 高 振

學 士 員 領 正 家

分 教 官 領 導 員 陳 興

書 寫 隨 士 員 釋 瑞 榮

圖 照 監 生 員 林 民 泰

員 翁 嘉 仁

永樂大典卷之一萬一千一百三十九

八賄

水

水經十三

水經決水出廬江雩婁縣南大別山俗謂之為檀山峴蓋大別之異名也其水歷山委注而絡其縣矣北過其縣東縣故吳也春秋左傳襄公二十一年楚子秦人侵吳及雩婁閭吳有備而還吳也晉書地理志云在安豐縣之西南即其界也欽地理志曰決水出雩又北過安豐縣東決水自雩婁縣北還難備亭春秋昭公二十三年吳敗諸侯之師于難父者也安豐縣故城今還城都治也王莽之美風也世祖建武八年封大將軍源州牧薨軀為侯國晉立安豐郡決水自縣西北流還聚縣故城東又逕其北漢高帝六年封為孔侯國也世謂之決水也水又西北灌水注之其水導源廬江金蘭縣西北東陵鄉大蘇山即注水也許慎曰出雩婁縣俗謂之澮水也褚先生所謂神龜出于江灌之間嘉林之中二謂此水也灌水東北逕慕縣故城而西北注決水也欽地理志曰決水北至聚入灌灌水於聚亦入決春秋宣公八年冬楚公子薨聚六載文仲聞之曰華陶庭堅不祀思諸德

之不達民之無援也。決水又北在會陽泉水。水受決水東北流逕陽泉縣故城東。故陽泉鄉也。漢靈帝中封太尉黃琬為侯國。又西北流左入決水。謂之陽泉口也。又北入于淮。俗謂之決口非也。斯決灌之口矣。余往因公至于淮津。舟車所屆。決于決水。訪其民言。與古名全違。脉水尋經方知決口。蓋灌漑聲相倫習俗害真耳。決水出廬江潛縣西南霍山東北。潛者山水名也。開山圖。霍山章統大山為霍山。郭景純曰。潛水出焉。縣即其稱矣。春秋昭公二十七年。吳因楚喪圍潛是也。地理志曰。潛水出霍山。不言霍山。此字或作潁。潁水又東北逕博安縣。泄水出。東北過六縣東。潁水東北。右會潁鼓川水。水出東南潁川西北流。左注潁水。潁水又西北逕馬亭城西。又西北逕六安縣故城西。潁故潁陶閭也。夏禹封其少子皋其祀。今縣都陵中有大冢。民傳曰公琴者。即琴陶冢也。楚人謂冢為琴矣。漢高帝元年別為衡山國。五年屬淮南。文帝十六年復為衡山國。武帝元狩二年別為六安國。王莽之安風也。漢書所謂以舒屠六賁。太康三年廬江郡治潁水又西北分為二水出焉。又北逕五門亭西。西北流逕安豐縣故城西。晉書地理志。安豐郡之屬縣也。俗名之曰安城矣。又北會濡水。龍流西北注之。北入于淮。水之決會。謂之決口也。泄水出博安縣。博安縣地理志之

傳鄉縣也。王莽以為楊陸矣。泄水自縣上承北水於麻步川而北歷山滿
 溪。謂之滿水也。北過芍陂西與泄水合。泄水自滿溪北。安風縣北流注于
 潁。一謂之其滿口。西北入于淮。龍流同歸也。肥水出九江成德縣廣陽鄉
 西。呂忱字林曰。肥水出良餘山。俗謂之連柳山。亦或以為獨山也。北流分
 為二水。泄水出焉。肥水又北逕復城東。又北逕荻江東右會泄水。枝津南
 受泄水於合肥縣城東。西流逕成德縣注于肥水也。肥水別北過其縣西
 北入芍陂。肥水自荻丘北逕成德縣故城西。王莽更之曰平阿也。又北逕
 芍陂東。又北逕死馬塘東。芍陂濱上承井門與芍陂更相通注。故經言入
 芍陂矣。肥水北右合開澗水。上承泄水於合肥縣。北流逕復道縣西。水精
 為陽湖。陽湖水自塘西北逕死馬亭南。夾橫塘西注。宋太始初豫州司馬
 劉順帥衆八千據其城。地以拒劉劭。往以精兵五千逆張元寶。劉劭
 破之。北塘水分為澗。二洛澗出焉。開澗水注之。水受芍陂。肥水上承謂水
 於五門亭南。別為斷神水。又東北流逕五門亭東。亭為二水之會也。斷神
 水又東北逕神遠亭東。又北謂之豪水。唯廣異名事實一水。又東北逕白
 芍亭東。橋而為湖。謂之芍陂。陂周一百二十許里。在壽春縣南八十里。古
 楚相孫叔敖所造。魏太尉王陵與吳將張林文戰於芍陂。即此處也。陂有

五門。吐納川流。西北為香門。陝水北逕孫叔敖祠下。謂之香隈清。又北分為二水。一水東注鰲鰓。鰲水東逕鰲鰓亭南。文欽之跋。吳華北入。諸葛緒非之於鰲鰓。即此水也。東注肥水。謂之鰲鰓水。又北逕壽春縣東。肥水自鰲鰓北逕壽春縣故城東。為湖津。津側又有謝堂。北亭逕達所。薄水陸升是馬華止。又西北左合東溪。溪水引清。北山西南流。逕導公寺西。寺側因溪建刹。五層屋宇。開敞崇虛。舊鰲也。又西南流。注于肥。肥水又西逕東臺下臺。即壽春外郭東。北隔阿之街也。東側有一湖。三春九夏。紅荷覆水。引清城隍水。積成潭。謂之東臺湖。亦肥南橋也。肥水西逕壽春縣城北。右合北溪水。導北山泉源。下注漱石。類隍水。上長林。神天馬柯。晉日出於山林。精舍。右山洞。寺左。道俗嬉遊。多萃其下。內外引汲泉。同七淨。溪水注西南。逕陸道士解南精廬。臨側川溪。大不為廣。小足開屬。亦鰲鰓也。溪水注于肥水。北入于淮。肥水又西分為二水。右即肥之故清。逕為船官湖。以置舟艦也。肥水左清。又西右橋門北。亦曰草市門。外有石梁渡。北洲。洲上有西昌寺。寺三面阻水。佛堂設三像。真容妙相。相服精煥。是蕭武帝所立也。寺西即船官坊。倉光都水。是營是作。湖北對八公山。山無樹木。唯豐阜耳。山上有淮南王劉安廟。劉安是漢高帝之孫。厲王長子也。折節下士。篤好儒學。養方術之徒數十人。皆為俊異焉。神仙經法。鴻寶之道。思

有八公皆賢。眉皓童。諸門希見。門者曰。吾王好長生。今先生無佳要之術。未敢相聞。八公咸歎成童。王甚敬之。八士並能鍊金化丹。入無間。乃與安登山。埋金於地。白日升天。餘藥在器。雞犬舐之者。俱得上昇。其所昇之處。踐石皆陷。人馬跡存焉。故山即以八公為名。余登其上。人馬之跡無間矣。唯廟像存焉。廟中圖安及八士像。皆坐床帳如平生。被服纖麗。威羽扇裙。懷中垂枕物。一如常居。廟前有碑。齊永明十年所建也。山有隱室石井。即崔瑗所謂余下壽春登北嶺淮南之道室。八公石井在焉。亦云左吳與王泰傳主等尋安同詣玄洲。還為著記。號曰八公記。都不列其雞犬昇空之事矣。景漢書安反伏誅。魯洪明其得道事。備抱朴子及神仙傳。肥又左助。芍陂清。清水自黎漿分水引漬。壽春北逕芍陂門石。北入城。晉鉅鹿時苗為縣長。是其留犢處也。清東有都街。街之左道。北有宋司空劉劭廟。宋元徽二年。建于東鄉孝義里。廟前有碑。時年碑功方刻。齊永明元年方立。沈約不書。言太始元年豫州刺史殷琰反。明帝假劭輔國將軍討之。琰降。不犯秋毫。百姓來蘇。生為立碑。史過其贊。建元四年。故吏顧切明為其廟銘。故左廂堤為廟。譚夏侯敬友為廟。頌並附刊于碑側。清水又北逕相國城東。劉武帝伐長安所築也。堂宇廳館。仍故以相國為名。又北出城。注肥水。

又西進金城北。又西左合羊頭溪水。水受弓陂西北。登羊頭溪。謂之羊頭
澗水。北進雙湖左會峰水清。清受淮於峰村南。下注羊頭溪。同進壽春城
西。又北歷象門。自沙門北出。金城西門道還樓下。北注花清。肥水北注舊
清之橫塘。為玄康南路。馳道左通船官坊也。肥水進玄康城西北。肥水北
出際有西水堂。亦婦遊所集也。又西北流。昔在晉世。謝玄北索苻堅所入
公山。及置陣於肥水之瀨。望山上草木。或為人狀。此即故戰敗處。非八
公之靈有助。蓋苻氏將亡之惑也。肥水又西北注于淮。是曰肥口也。施水
亦從廣陽鄉東南入于湖。施水受肥於廣陽鄉東南。流進合肥縣。應劭曰。
夏水出城父東南。至此與肥合。故曰合肥。閻嶠亦言出潁川城父東至此
合為肥。余案川之派別無沿注之理。方知應嶠之說非實證也。蓋夏水暴
長。挽合於肥。故曰合肥也。非謂夏水自城父東。進合肥縣城南。居四水中。
東又有道進津水。上舊有梁。孫權之攻合肥也。依遠敗之於津北橋。不撤
者兩板。權與甘寧躍馬超津谷利。自從着鞭助勢。遂得渡梁。凌統被鎗落
水後。到進之流渚津清。施水又東分為二水。枝水北出焉。下注陽湖。施水
又東進湖口成。東注巢湖。謂之施口也。沮水出漢中房陵縣雒山東南。通
臨沮縣界。沮水出東汶陽郡沮陽縣西北。葦山。卽則山首也。馬舉霞舉。峻

珠層雲。山海經云。金土是出。亦沮水之所導。故淮南子曰。沮出荆山。高誘云。荆山在左鴻綱懷德縣。蓋以洛水有漆沮之名故也。斯燔澹耳。杜預云。水出新城郡之西南。發阿山。蓋山異名也。沮水東南流。迤沮陽縣東南。縣有沮水。東迤其縣南。下入沮水。水又東南迤汝陽郡北。即高安縣界。郡治錫城。縣居郡下城。故新城之下邑。義熙初分新城。立西表。表重山也。沮水南迤臨沮縣西。青溪水注之。水出縣西青山。山之東有沮泉。即青溪之源也。口徑數丈。其深不測。其泉甚靈。索至於炎陽。有亢陰雨時。以穢物投之。輒能暴雨。其水導源東流。以源出青山。故以青溪為名。尋源浮漢。奇為深峭。或弘之云。稠水傍生。交空交合。危樓傾岳。恒有落勢。泉傳暫於青林之下。巖援流聲於白雲之上。遊者常若目不周覽。情不給賞。是以林徒袖枕雲客。宅心泉側。多結道士。精廬焉。青溪又東流。入于沮水。沮水又屈迤具縣南。晉咸和中。為沮陽郡治也。沮水又東南迤當陽縣北。縣城因岡為阻。北抗沮川。其故城在東一百四十里。謂之東城。在綠林長坂南。長坂即張益德據牙處也。沮水又東南迤穰城。西唐城東。又南迤參城。西昔陽雲長詐降處。自此遂叛。傳云。子胥造陸磨二城。以攻參邑。沮水又南迤楚昭王墓東。對參城。故王仲宣之賦登樓云。西接昭丘是也。沮水又南與漳水

合焉。又東南過枝江縣東南入于江。沮水又東南逕長城東。又東南流注于江。謂之沮口也。漳水出臨沮縣東。荆山東南過蒙亭。又東過章鄉南。荆山在蒙山一百餘里。新城漳鄉縣界。雖群羊競舉。而荆山獨秀。漳水東南流。又居西南。逕緇縣南。縣舊東北一百四十里。高陽城南。南移治許茂故城。城南臨漳水。又南歷臨沮縣之漳鄉南。昔關羽保荊城。許降而遁。潘璋斬之於此。漳水又南逕當陽縣。又南逕于麥城東。王仲宣登其東南隅。臨漳水而賦之曰。夾清漳之逕浦。倚曲沮之長洲。是也。漳水又南。泥水注之。山海經曰。泥水出東北。宜諸之山。而流注于鄆水。又南至枝江縣北。馬扶邑入于沮。地理志曰。禹貢東條荆山在臨沮縣之東北。漳水所出。東至江陵入楊水。注于沔。非也。今鄆水於當陽縣之東南一百里餘。而右會沮水也。夏水出江流于江陵縣東南。江津豫章口。東有中夏口。是夏水之首。江之北也。屈原所謂過夏首。而西浮顧龍門而不見也。龍門。即逕城之東門也。又東過華容縣南。縣故郢城矣。春秋魯定公四年。許遷于郢城是也。北臨中夏。水自縣東北逕武都郡郢城南。晉永嘉中。西蜀阻亂。劉華容諸城為郢王都。夏水又逕交趾太守胡寵墓北。漢大傅廣身陪陵。而此墓側有廣碑。故世謂廣冢非也。其文言是蔡伯喈之辭。歷苑西戎墓。南王隱。晉書

地道記曰。陶朱家在華容縣。樹碑云。是越之范蠡。晉太原地記。臧弘之荆
州記。劉澄之記。並言在縣之西南。郭仲產言在縣東十里。檢其碑題云。故
西戎令范君之墓。碑文缺落。不詳其人。稱蠡是其先也。碑是水嘉二年立。
觀其所述。數為完悉。似親迺其地。故達衆說。從而正之。水又東迺監利縣
南。晉武帝太康五年立。縣王卑下。澤多陂池。西南自州陵東界。迺于雲杜
沱陽為雲夢之藪矣。韋昭曰。雲夢在華容縣。按春秋魯昭公三年。鄭伯如
楚。子產備田具以田江南之夢。郭景純言華容縣東南巴丘湖是也。杜預
云。枝江縣安陸縣有雲夢。蓋跨川巨。隔無絕。勢廣矣。夏水又東。夏陽水注
之。水上承楊水於競陵縣之柘口。東南流與中夏水合。謂之夏陽水。又東
止。迺江夏竟陵縣北而東北注。又東至江夏雲杜縣入于沔。應劭十三州
記曰。江別入沔為夏水源。夫夏之為名。始於分江。冬竭夏流。故納厥稱。既
有中夏之目。亦苞大夏之名矣。當其決入之所。謂之瞿口焉。鄭玄注尚
書滄浪之水。古今謂之夏水來同。故世變名焉。劉澄之著水初山川記云。
夏水。古文以為滄浪。父所歎也。因此言之。水應由沔。今按夏水是江流
沔。非沔入夏。假使沔注夏。其勢西南。非尚書又東之文。余亦以為非也。自
瞿口下沔水通。無夏日而會于江。謂之夏洎也。故春秋左傳稱吳伐楚。沈

戶射奔命夏洲也。杜預曰。漢水南入江。即夏口矣。卷水出卷中叅狼。俗謂之天池。白水矣。地理志曰。出隴西羌道。東南流逕宕昌城東。西北去天池五百餘里。水又東南逕宕昌。要川城東南。北注羗水。昔姜維之寇隴右也。間鍾會入漢中引還。知雍州刺史諸葛緒也。橋頭從此谷將出北道。緒邀之北路。維更從此道渡橋頭入劄閣。緒追之不及。羗水又東南陽都水注之。水發東北陽都溪。西南逕安民戍。又西南注羗水。又東南逕武階城西。又東南散廬城。西羊腸水入焉。水出西北陰平北界湯溪東南。逕北郿城北。又東南逕三郿城南。東南右要水合。傍西南出。即水源所發也。羗水又逕散廬城南。逕餘城南。又東南左會五郿水。水有二源。出南北五郿溪。西南流谷為一水。屈而東南注羗水。又東南流至橋頭合白水。東南去白水縣故城九十里。又東南至廣魏白水縣。與漢水合。又東南逕巴郡閬中縣。又南至墊江縣東。南入于江。涪水出廣魏涪縣西北。涪水出廣漢屬國剛氏道散外。東南流。逕涪水西。王莽之親。陵賊宮進破涪城。斬公孫恢於涪。自此水上。縣有涪水出。涪山。水源有金銀。燒奴火合之。以成金銀。涪水歷縣亭而下注涪水。涪水又東南逕輝竹縣北。賊宮溯涪至平陽。公孫述將王元孫。遂拔輝竹。涪水又東南與建始水合。水發平洛郡西漢。西南流。

屈而東。西流入于涪。涪水又東南逕江由戍北。鄧艾自隆平景谷步道。轉
兵來爲入蜀。逕江由廣漢者也。涪水又東南逕南安郡南。又南與金堂水
會。水出廣漢新郫縣東南。流入涪。涪水又南枝出焉。西逕廣漢山。城縣爲
五城水。又西至成都入于江。南至小廣魏與梓潼合。小廣魏卽廣漢縣地。
王莽更名曰廣信也。梓潼水出其縣北界。西南入于涪。故廣漢郡也。公孫
述改爲梓潼郡。劉備嘉賈賈峻守葭萌之頃。又分廣漢以北別爲梓潼郡。以
峻爲守。縣有五女。蜀王遣五丁迎之。至此見大蛇入山穴。五丁引之。山崩。
壓五丁及五女。因是山爲五婦山。又曰五婦候。候水所出。一曰五婦水。亦
曰澧水也。其水導源南逕梓潼縣。王莽改曰子同矣。自縣西逕涪城東。又
南入于涪水。謂之五婦水口也。又西南至小廣魏縣南入于墊江。亦言涪
水至北入漢水。昔岑彭與戰。皆自江州從涪水上。亦謂之爲內水也。逕墊
江。公孫述今延岑或兵於沅水。官左步石騎。夾船而進。呼動山谷。大破岑
軍。斬首溺死者萬餘人。水爲濁流。沅水出廣漢縣下入涪水也。沅水出漢
中南縣東南旱山北。至沔陽縣南入于沔。沅水卽黃水也。東北逕城周南
城北。城在山上。或言韓信始立。或言張良創築。未知定所制矣。義熙九年。
索邈爲果州刺史。自城圍治。此故謂之南城。城周七里。今潤帶谷。絕壁百

尋北谷口造城東門。傍山尋澗。五里有餘。累道登陟。方得城治。城北水舊有桁北渡濟水。水北有趙軍城。城北又有桁渡鴻。取北城。城即大威園縣治也。黃水右岸有悅歸館。濟水歷其北。北至鴻陽。左鴻為三水口也。江水岷山在蜀郡成道縣。大江所出。東南過其縣北。岷山即清山也。水曰清矣。又謂之汶阜山。在徽外。江水所導也。益州記曰。大江泉源。即今所聞始發羊膊嶺下。緣崖散漫。小大百數。始未濫觴矣。東南下百餘里至白馬嶺。而歷天彭關。亦謂之為天谷也。秦昭王以李冰為蜀守。冰見成道縣有天彭山。兩山相對。其形如關。謂之天彭門。亦曰天彭關。江水自此以上至微特。所謂發源濫觴者也。漢延平中。岷山崩。壅江水三日不流。楊雄反離騷云。自岷山投諸江。汎以平屈原。名曰反騷也。江水自天彭關東。逕汶關而歷成道縣北。漢武帝元封四年。分蜀郡北郡置汶山郡。以統之。縣本秦始皇置。後為犍道縣也。益州記曰。自白馬嶺回行二十餘里至龍洞。又八十里至西陵縣。又南下六十里至石鏡。又六十餘里而至北郡。始百許里。又西百二十里至汶山。故郡乃廣二百餘步。又西南百八十里至濕坂。江稍大矣。故其精則井絡纏襪。江漢炳靈。河圖括地。象曰岷山之精。上為井絡。帝以會昌神以建福。故書曰岷山。導江泉流深遠。或為四瀆之首。廣雅

曰江。貢也。風俗通曰。出珍物可貢獻。釋名曰。江。共也。小水流入其中。所公共也。東北百四十里曰岷山。中江所出。東注于大江。岷山。卽岷山也。在漢嘉嚴道縣。一日新道南山。有九折坂。夏則凝水。冬則毒寒。王子陽按轡處也。平恒言是中江所出矣。郭景純江賦曰。流二江於岷嶽。又東百五十里曰岷山。北江所出。東注于大江。山海經曰。岷山。江水出焉。東注大江。其中多沱。江水又逕汶江道。汶出徼外。岷山西至輪坂下而南行。又東逕其縣而東注于大江。故蘇代告楚曰。蜀地之中浮船於汶。乘夏水而下江。五日而至郢。謂是水也。又有湔水入焉。水出綿道。亦曰綿夷縣之玉壘山。呂忱云。一曰平澆水也。下注江。江水又東別爲沱。開明之所鑿也。郭景純所謂玉壘作東別之標者也。縣卽汶山郡治。劉備之所置也。渡江有竹橋。江水又歷都安縣。縣有桃園。漢武帝祠。李冰作大堰於此。堰於江作壩。壩有左右口。謂之蒲壩江。入郫江。檢江以行舟。益州記曰。江至都安堰。其右檢其左。其正流遂東。郫江之右也。因山額水。坐致竹木以溉諸郡。又羊摩江。灌江西於玉女房下。作三石人於白沙郵。郵在堰官上。立水中。刻要江神。水竭不至足。歲不堰要。是以蜀人旱則藉以爲溉。雨則不道其流。故記曰。水旱從人。不知飢饉。沃野千里。世號陸海。謂之天府也。俗謂之都安大堰。

亦曰涌喉。又謂金堤。左思蜀都賦云。西踰金堤者也。諸葛亮北征以此堰農大國之所資。以征丁十二百人主護之。有堰官。益州刺史皇甫嵩至都安也。觀坂從事何旅曰。今所安營地名觀上。夫在下其微不祥。不從。果為牙門張和所殺。江水又逕臨邛縣。王莽之監邛也。縣有大井。鹽水。晝夜之特。光與上照。江水又逕江源縣。王莽更名邛源也。邛江水出焉。江水又東北逕郫縣下。縣民有姚精者為叛夷所殺。掠其二女。二女見夢其兄。當以明日自沉江中。喪後。曰當至可伺候之。果如所夢。得二女之尸於水。郫縣表異焉。江水又東逕成都縣。縣以漢武帝元鼎二年立。縣有二江。雙流郡下。故楊子雲蜀都賦曰。兩江珥其前者也。風俗通曰。秦昭王使李冰為蜀守。開成都兩江溉田萬頃。神歲取童女二人為婦。冰以其女與神為婚。經至神祠。勸神酒。酒杯但澹。澹水厲聲以責之。因忽不見。良久有兩牛闕於江岸傍。有間冰還流汗。謂官屬曰。吾聞大極當相助也。南向腰中正白者。我殺也。主簿刺殺此面者。立神遂死。蜀人慕其氣。沈沈壯健者。因名冰兒也。秦惠王二十七年。遣張儀與司馬錯等城蜀。遂置蜀郡焉。王莽改之曰導江也。儀築成都以象咸陽。晉太康中。蜀郡為王國。更為成都內史。益州刺史治。地理風俗記曰。華陽黑水。惟梁州漢武帝元朔二年。改梁曰益州。以新修健為梓。柯越。萬州之壘。壤益廣。故稱益云。初治廣漢之頓縣。後

乃徙此。故李固與弟圖書曰。固今年五十七。鬢髮已白。所謂客身而遊。滿腹而去。周觀天下。獨未見益州耳。昔嚴夫子常言。經有五。滂其四。州有九。遊其八。歎類此乎矣。初張儀築城。取土處。去城十里。因以養魚。今萬頃池是也。城北又有龍堤池。城東有千秋池。西有柳池。西北有天井池。津流相通。冬夏不竭。西南兩江有七橋。直西門。郢江冲里橋。西南石牛門。曰市橋。吳漢入蜀。自廣都。今輕騎先往焚之。橋下謂之石犀淵。李冰昔作石犀五頭。以厭水精。穿石犀渠於南江。命之曰犀牛里。後轉犀牛二頭。在府中。一頭在市橋。一頭沈之於淵也。大城南門曰江橋。橋南曰萬里橋。西上曰夷橋。亦曰作橋。南岸道東有文學。始文翁為蜀守。立講堂。作石室於南城。永平後。學堂過大。後守更增二石室。後州奪郡學。移夷里道西。故錦官也。古錦工織錦。則濯之江流。而錦益鮮明。濯以他江。則錦色弱矣。遂命之為錦里也。蜀有迴復水。江神嘗流殺人。文翁為守祠之。勸酒不盡。後解擊之。遂不為害。江水東逕廣都縣。漢武帝元朔二年置。王莽之就都亭也。李冰織穿水脉。穿縣置井。江西有望穿鑿山。渡水結諸陵池。故武養生之鏡。即南江也。又從冲里橋北。折曰長升橋。城北十里曰升仙。有送客觀司馬相如將入長安。題其門曰。不乘高車駟馬。不過汝下也。後入尹蜀。果如志焉。李

水沿水造橋。上鹿七宿。故世祖謂吳漢曰。要軍宜在七相連星間。漢自廣都乘勝進逼成都。與其副劉尚南北相望。大江為營。浮橋相對。公孫述使謝豐楊軍市橋出漢後。襲破漢壁為落水。陳馬尾得出。入壁命將夜潛渡江。執尚擊盡斬之。於是水之陰。江北則左對繁田。文翁又穿蒲波以溉灌。紫田一千七百頃。江水又東。絕綿洛逕五城界。至廣都北岸南入于江。謂之五城水口。斯為北江水。又東至南安。為壁玉津。故左思云。東越玉津也。又東南過捷為武陽縣。青衣水洙水從西南來合而注之。縣故大夜郎國。漢武帝開道置以為縣。太初四年益州刺史任安城武陽。建元六年置。王莽更名西順縣曰戡戡。先武謂之士大夫郡。有郫江入焉。出江源縣首受大江。東南流至武陽縣注于江。縣下注上流有大橋。廣一里半。謂之安漢橋。水盛歲壞。民苦治功。後太守李嚴鑿大柱山。導江通道。此橋遂廢。縣有赤水下注江。建安二十九年。有黃龍見此水。凡日方去。此縣藉江為大堰。開六水門。用灌郡下注山。昔者王喬所升之山也。江水又與文井江會。亭水所導也。自作道與濛溪分水。至蜀郡臨邛縣。與布僕水合。水出微外。成郫西沉黎郡。漢武元封四年。以蜀郡西部郫縣。作郫縣。中通天漢四年。置郫尉主外。在邛崃山表。自蜀西渡邛崃具是喻。有弄練八渡之難。楊母